

საქართველოს მთავრობის

დადგენილება №313

2017 წლის 3 ივლისი

ქ. თბილისი

ბახმაროსთვის სარეკრეაციო ტერიტორიის სტატუსის მინიჭებისა და საზღვრების დამტკიცების შესახებ მუხლი 1

„სივრცითი მოწყობისა და ქალაქთმშენებლობის საფუძვლების შესახებ“ საქართველოს კანონის მე-13 მუხლის მე-3 პუნქტის შესაბამისად, ბახმაროს მიენიჭოს სარეკრეაციო ტერიტორიის სტატუსი და დამტკიცდეს ბახმაროს სარეკრეაციო ტერიტორიების საზღვრების აღწერილობა, თანდართული დანართის მიხედვით.

მუხლი 2

დადგენილება ამოქმედდეს 2017 წლის 5 ივლისიდან.

პრემიერ-მინისტრი

გიორგი კვიციანი

დანართი

ბახმაროს სარეკრეაციო ტერიტორია

ბახმაროს სარეკრეაციო ტერიტორიის საზღვარი დგინდება ქვემოთ ჩამოთვლილი წერტილების მიხედვით:

- ა) №1. კურორტ ბახმაროს სარეკრეაციო ტერიტორიის საზღვრის საწყისი წერტილი მიუყვება ხევს სამხრეთ-დასავლეთის მიმართულებით ($27^{\circ} 74' 19'' \text{N}$, $46^{\circ} 38' 640'' \text{E}$);
- ბ) №2. მდინარე ბახვისწყლის ხეობის კვეთით ($27^{\circ} 54' 20'' \text{N}$, $46^{\circ} 38' 043'' \text{E}$);
- გ) №3. სამხრეთით გადადის ოზურგეთი-ჩოხატაურის მუნიციპალიტეტების საზღვარზე, საიდანაც გადადის საჭარა-მესხეთის ქედის სამხრეთით ($27^{\circ} 53' 33'' \text{N}$, $46^{\circ} 32' 879'' \text{E}$);
- დ) №4. გურია-აჭარის ა.რ.-ის სამხარეო-ადმინისტრაციული საზღვრისკენ ($27^{\circ} 74' 20'' \text{N}$, $46^{\circ} 32' 394'' \text{E}$);
- ე) №5. გადადის გადრეკილი-ზოტიყელის გზაზე, რომელსაც მიუყვება ჩრდილოეთით, დაახლოებით 3 კმ-ის მანძილზე, ($28^{\circ} 11' 75'' \text{N}$, $46^{\circ} 33' 331'' \text{E}$);
- ვ) №6. ჩრდილოეთით ($28^{\circ} 11' 96'' \text{N}$, $46^{\circ} 34' 930'' \text{E}$);
- ზ) №7. მთა გადრეკილზე – ზ.დ. 2500 მ ($28^{\circ} 12' 96'' \text{N}$, $46^{\circ} 36' 380'' \text{E}$);
- თ) №8. ჩრდილო-დასავლეთით, ბახმაროს უღელტეხილის (ზ.დ. 1950 მ) კვეთით გადადის ჩოხატაური-ბახმაროს საავტომობილო გზაზე ($27^{\circ} 98' 89'' \text{N}$, $46^{\circ} 37' 360'' \text{E}$);
- ი) №9. შემდეგ გადადის ჩრდილოეთით, გზის პარალელურად – 200 მეტრის მოშორებით და გრძელდება მზის ჩასვლის გორამდე – ზ.დ. 2200 მ აქედან საზღვარი მიუყვება ქედს ჩრდილოეთის მიმართულებით, ხოლო შემდეგ იგი ხევში გრძელდება ($27^{\circ} 82' 82'' \text{N}$, $46^{\circ} 37' 860'' \text{E}$).

